

NE (quod tum hic ambio patrocinium ECCLESIAE PRINCEPS ILLYSTRISIME) temeritatis culpam deprecet, facit cum tua humanitas atque singularis in me benevolentia, tum quae nobis inunda est pugna de praestanti corporis animique valetudine, cuius virisque est Phœnice rarior societas. Quid sit enim in hac disceptatione sentiendum, ut te iudice nostra recte pronunciataverit Medicina, multo tamen clarius tibi et tua gente in exemplum adductis, quorquos nempe extiterunt tuae stirpis Buthillerij, qui omnes brevioris licet vite aut aegri corporis vel legenda scribere, vel fecere scribenda: hoc quod contendimus evincunt placitis; quod nobis sinte virtute an genere, factis an doctrina illustrior, magis dubitandum reliquerunt. Peris enim aliter dum sui ingenij monumenta consignas litteris aeternum vulturis, alter dum praclaris Ecclesiae, sese ille consecit dum belli pacisque nervos teneret, omni propterea habendi cura corde primùm erasā; raptur hic dum sibi minus, quam regno prosipit. Neque vero aut ex illorum casu, aut ex huius praematura morte haustum etiam oculis nostris dolorem vlla re delinimus aliā, quam tuarum contemplatione virtutum, quae aperte declarant esse te et animi habitu quod nullus aut admirabilior, aut amabilior. In eam rem si tua modestia (ILLYSTRISIME ECCLESIAE PRINCEPS) mensusque patere pador, percererem illum ex Buthilleriorum sanguine tractam ingenij perspicacissimi vim pene incredibilem, quā tu multos, te vincti nemo: dicerem de tuis plusquam nunciis, castissimisque moribus prudentia & gravitate summā temperatis, qui tantam tibi existimationem auctoritatemque pepererunt; ut & aliis à Christianissimo Rege iussus volare in Belgij fines, dissidiarum quibus aestuabant dissipandorum causā, tuo advenit repente & quasi miraculo omnes dissensionum faces resinxeris: & quoties seu tui, seu totius cleri Gallicani comitiis praesuisi, neminem non & eloquentie, & iudicij, & moderationis tuae stupore defixeris. Si igitur tot tamque praclaris rebus obediens par est, ac ne minimum quidem debilitatur infirmo corpore cinctus tuus ille praestans & excellens animus, videris optimus quisque, quam adversus eos qui nos prope diem oppugnaturi sunt, firmum ad me venturum sit & tua praesentia, atque auctoritate praesidium.

Q V A E S T I O M E D I C A .

QVOD LIBETARIIS DISPUTATIONIBVS MANE DISCVTIENDA

IN SCHOLIS MEDICORVM DIE IOVIS XXV. IANVARII.

M. NICOLAO MORIN, Doctore Medico Praeside.

1064

An qui ceteris praestant mente, minus praestant corporis valetudine?

CVM ea ex quibus constat corpus humanum, sic inter sese congruunt, ut sit convenientium partium temperies, membrorumque conformatio, sanitas est ad functiones expedire obeundas comparata. Hanc consequitur forma, quae quod venustior magisque sensibus lenocinatur, hoc fere maioris est stoliditatis affecta. Multi sunt virisque gradus, ad quos non raro veluti cumulus accedit robur. Eiusmodi *intellectus parat tibi puerum*, quae non modo Pyrrhi, sed omnium pene mortalium nihil praeter lacertos, & sanguinem desiderantium vorum est, *ut vixis istos reuerens* habetur. Quasi humanae sanitatis & felicitatis apex sit, tauri aut Elephanti vires aequare: Sane hoc quaecumque est naturae beneficium, is tantum rebus omnibus antepone, qui sic bonae menti decoxit, ut ignoret huius, & valetudinis; quam formae, & pudicitiae rationem esse concordiam. Non & quovis ligno Mercurius: nec sub quavis cure Milo. Neutrum fecerit illa ad vnguem exquisita temperies, quae tamquam Polycteti regula nunquam non laudatur, nullibi reperitur. Vñ laterum, lacertorumque firmitate nobilis Croniata gaudet magno calidiorum spirituum apparatu, habituque duriore, qui feruidioris, & *robore* soboles est. Ab hoc aprorum robustus furor, qui in deniore accensus materia, diutius perseverat.

FIRMA valetudine praeditus omni quidem dolore caret, & muneribus corporis optime fungitur. Hanc autem facit peculiaris partium temperies & structura, praecipueque cordis & hepatis, quae si bene habita, paulo compactiora, & calidiora fuerint, copiosius, multoque calore ac spiritu perfusum sanguinem elaborant. Hinc melius coquit ventriculus, recoquit incur, perficit cor, venae sufficiant, additurque vniendum exacta venas alimentum: ipsa denique nunquam non naturae grauis excrementorum facina, vnius facultatis ope secreta, alterius robore quantocius deturbatur. Atque luculenti, conferti, minimeque fugacis sanguinis, ac spirituum praesidio munitae partes, praesto sunt cum ad omnia naturae munia, tam ad omnes voluntate susceptos motus strenuè, & alacriter obeundos. Diceret *καλὸς καὶ αἰσθητός* esse homines, qui nullius auxilij, ac medicae opis egent, vix vllis patent morborum insulsihiis, impletque longissima humanae vitae spatia; hoc solus infelices, quod mentem quidem semper, membra nunquam destituant spiritus, ut quemadmodum opes, sic praestans istorum valetudo sollicitiam patiatur.

MENTE (quae animi caelitus delapsi vis est, ad rerum omnium etiam ad materiam faece secretarum capiendam cognitionem data) vnus homo ceteris animantibus antecellit, homo homini mentis praestantia; quā solus ille clarebit, qui & acutissimo fuerit ad res inuestigandas ingenio, & purgatissimo ad easdem componendas, aestimandasque iudicio: eaque demum memoria, quae sibi credita rerum idola, pari quā accepit fide, repraesentet. Hæ sunt liberae, & corpori minus addictae mentis exercitationes, atque curricula; in quibus qui defudat ac elaborat, quid est cur vires nervosque desideret? Neque enim corporis robore magnae res geruntur, sed consilio, & mente sexus virisque propria, magis tamen emicaturā, si elegantioribus formetur studiis, & aliquo doctrinae quasi pabulo nutriatur. Causam tot animi dorum astris male feras acceptam, peius inaequali animarum conditioni, pessime Pythagoraeorum *μεταβολή*, recte parentibus fere ipsi similes gignere solitis, rectius temperiei, quae ad frigidum tantisper inclinata, & defecati puriorisque sanguinis procreatrix, quod tenuiores proferit spiritus, hoc ad valentem vitam mentisque inimicum corporis robur minus confert: Ut quemadmodum aptiora exportandis oneribus tarda iumenta sunt, generosam autem nobiliorum equorum pernicitatem nemo graui facinorā premat; sic natura quosdam excellentis mentis homines ad pulcherrima quæque munia finxerit, ceteros vasti ac praualidi corporis, ad vilia & sordida ablegarit.

ANIMAE interest non quam laxo, sed quam idoneo veatur domicilio; quod totum sic adornat natura, ut tamen solum, sedemque menti statuat in vno cerebro, parte frigidiori & à nidore sordium, ex coctis in ventre velut in culina alimentis, remotissimā. Nec satis fuit, in loco corporis editissimo collocari viscus nobilissimum, per sensus ceu per nuncios ac delatores, imagines rerum omnium citò, & è longinquo excepturum: nisi fortiori ac meabili textura donatum, limpidissimum spirituum copia collustraretur: haud secus ac eleganti intentus operi artifex, mundā & lucidioris indiger officinā. Mens quippe humana quantumvis ex se incorporea, sine corporeis obiectis non potest initiari sacris intellectiōnis, cuius obiecta sunt species primo quidem sensibus haustae, subindeque menti tradendae vectore spiritu. Vnde si quando hunc subiectus luculentum viscum ignis accendit in venis & arteriis, defultorium & ipsi impotens facit ingenium. Truncum è contra dixeris, vel certe plumbeum hominem, cui nimio frigore concreti spiritus, crassiore torpent in cerebro, at ubi hoc fuerit delicatulae laxiorisque substantiae; nulla ex infimis partibus aspiratio, nulla excrementorum contagio ad ipsum pertinebit; suamque ei operam nauauerint, lucidi, subtiles, ac perpergiati spiritus, fulgebunt animi vis, & forma quaedam admirabilis, qua qui ornatus erit, ingenio nemini mortali concedet, multos post se relinquet.

MVNDI decus homo, hominis decus mens, quae tum maxime acutius cernere incipit, cum iam corporeus oculus deflorescit. Adeo malā fide societatem gerunt corporis, animique vis firmior! Validi quidem ferocesque iuuenes; at qui eos antecedit annorum numero, antecedit & sententiae principatu. Vnde & ex his nati prudentiores, Suae cuique rei tempestiuitas data est. Inter pueros qui fuerit senex, inter senes futurus est puer. Habet nempe prouectior aetas naturale quiddam, quod, ut in arborum bacis, suo tempore percipi debeat, mirificosque afferat fructus. Vide ut iste cui calet sanguis, estque solidum ac succi plenum corpus, tenui vel potius nullā est mente: quā ex aduerso fit in illo eximia, qui tam tenui ac pene nullā est valetudine? Ceu supra humanam fortem sit, ut quis simul valeat sapiatque optimè. Sic olim male habitauit ingenium Galbae; male & illius qui tot in se collecta ex oris specie vitia ratione deiecerat. Quid? Ipse è Phrygia fabulator, nonne hoc *καλὸς καὶ αἰσθητός* erat formā miserum, quo animo sapientiaque felicior? Melancholici fere ingeniosi, at & fere queruli, iniustoque corporis temperamento praediti. Est quem morbus afflixit, senectus enervauit, omniaque naturae adminicula defecerunt nullā interim factā iniuriā menti: quae et saepius in deperditae depositaeque valetudinis hominibus in laceris deiectisque corporis membris vigorem suum retinet; ut etiam faciem aliquando praeferat clarissimā è suo ergastulo exeant ac veluti pedem referent animae. Nec mirum, hac quippe periti instar opificis non tam instrumentorum mole ac numero, quam commoditate sua perficit opera: hocque magis ipsa sibi vacat, quo minus interrumpatur, minusque corporeis stringitur vinculis.

Ergo qui ceteris mente praestant, minus praestant corporis valetudine.

DOMINI DOCTORES DISPUTA'R'I.

M. Philippus Douté.

M. Nicolaus Morin, Praefes.

M. Bionysius Jonquet, Bota. Pro.

M. Dionysius Gauois.

M. Michael Marés.

M. Martinus Akatia.

M. Claudius Seguin, Prim. Regine Med.

M. Sebastianus Rainsane.

M. Nicolaus Brayer.

Proponebat Lutetiae LVDOVICVS GALLAIS Argentanæus, A. R. S. H. M. DC. LVII.